

॥ तैत्तिरीय संहिता ॥

॥ द्वितीयः प्रश्नः ॥

॥ तैत्तिरीयसंहितायां द्वितीयकाण्डे द्वितीयः प्रश्नः ॥

प्रजाकाम इन्द्राग्नी उपप्रयात्यैन्द्राग्रमेकादशकपालन्निर्वीर्यं पूषणमेवैकान्नचत्वारिंशच्च॥ 1।

प्रजापतिः प्रजा असृजत् ताः सृष्टा इन्द्राग्नी अपागूहताः
सोऽचायत्प्रजापतिरिन्द्राग्नी वै मै प्रजा अपाघुक्षतामिति
स एतमैन्द्राग्रमेकादशकपालमपश्यत्तन्निर्वपत्तावस्मै प्रजाः
प्रासाधयतामिन्द्राग्नी वा एतस्य प्रजामपगूहतो योऽलं प्रजायै
सन्प्रजान्न विन्दत ऐन्द्राग्रमेकादशकपालन्निर्वपेत्प्रजाकाम
इन्द्राग्नी (1)

एव स्वेन भागधेयेनोपधावति तावेवास्मै प्रजां प्रासाधयतो
विन्दते प्रजामैन्द्राग्रमेकादशकपालन्निर्वपेत् स्पृद्धमानः
क्षेत्रे वा सजातेषु वेन्द्राग्नी एव स्वेन भागधेयेनोपधावति
ताभ्यामेवेन्द्रियं वीर्यं भ्रातृव्यस्य वृद्धे वि पाप्मना
भ्रातृव्येण जयतेऽप वा एतस्मादिन्द्रियव्रीर्यं क्रामति
यस्सङ्ग्राममुपप्रयात्यैन्द्राग्रमेकादशकपालन्निः (2)

व॒पे॒त्स॒ङ्गाम॑मु॒प॒प्रया॑स्यन्निन्द्रा॒ग्नी ए॒व स्वेन॑ भा॒ग॒धेये॑नोप॒धाव॑ति
 तावे॒वास्मि॑न्निन्द्रि॒य॒र्षीर्य॑न्धत्तस्स॒हेन्द्रि॒येण॑ वी॒र्ये॑णोप॒प्रया॑ति
 जय॑ति त॒ ५ सं॒ङ्गाम॑र्षिं वा ए॒ष इन्द्रि॒येण॑ वी॒र्ये॑ण॒र्द्धते॑
 यस्सं॒ङ्गाम॑ञ्जय॒त्यैन्द्रा॒ग्नमेका॑दश- क॒पाल॑न्निर्व॒पेत्स॒ङ्गाम॑ञ्जित्वेन्द्रा॒ग्न
 ए॒व स्वेन॑ भा॒ग॒धेये॑नोप॒धाव॑ति तावे॒वास्मि॑न्निन्द्रि॒य॒र्षीर्य॑म् (3)

ध॒त्तो नेन्द्रि॒येण॑ वी॒र्ये॑ण॒ व्यृ॑द्ध्यतेऽप॒ वा ए॒तस्मा॑दिन्द्रि॒य॒र्षीर्य॑ङ्गाम
 य ए॒ति ज॒नता॑मैन्द्रा॒ग्नमेका॑दशक॒पाल॑न्निर्व॒पेज्जन॑ता॒मे॒ष्यन्निन्द्रा॒ग्नी
 ए॒व स्वेन॑ भा॒ग॒धेये॑नोप॒धाव॑ति तावे॒वास्मि॑न्निन्द्रि॒य॒र्षीर्य॑न्धत्तस्स॒हेन्द्रि॒येण॑
 वी॒र्ये॑ण॒ ज॒नता॑मेति पौ॒ष्णश्च॒रुम॑नु॒निर्व॑पेत्पू॒षा वा इन्द्रि॒यस्य॑
 वी॒र्य॑स्यानु॒प्रदा॑ता पू॒षण॑मे॒व (4)

स्वेन॑ भा॒ग॒धेये॑नोप॒धाव॑ति स ए॒वास्मा॑ इन्द्रि॒य॒र्षीर्य॑मनु
 प्रय॑च्छति क्षे॒त्रप॒त्यश्च॒रुन्निर्व॑पेज्जन॑ता॒मा॒गत्ये॒यवै क्षे॒त्रस्य॑
 पति॑र॒स्यामे॒व प्र॒ति॒तिष्ठ॑त्यैन्द्रा॒ग्नमेका॑दशक॒पाल॑मु॒परि॑ष्टा॒न्निर्व॑पेद्स
 प्र॒ति॒ष्ठाये॑न्द्रि॒य॒र्षीर्य॑मु॒परि॑ष्ठादा॒त्मन्ध॑त्ते॥ (5)

अ॒ग्नये॑ पथि॒कृते॑ पुरो॒डाशं॑ म॒ष्टाकं॑ पाल॒न्निर्वपे॑द्यो
 द॑र्शपूर्णमा॒सया॒जी सन्न॑मावा॒स्याँवाँ पौर्ण॑मा॒सीवाँ॑ ऽतिपा॒दये॑त्प॒थे
 वा ए॒षोऽद्ध्यप॑थेनैति॒ यो द॑र्शपूर्णमा॒सया॒जी सन्न॑मावा॒स्याँवाँ
 पौर्ण॑मा॒सीवाँ॑ ऽतिपा॒दये॑त्प॒थिमे॒व प॑थि॒कृत॑ ३ स्वेन॑
 भा॒ग॒धेये॒नोप॑धावति॒ स ए॒वैन॑मप॑थात्प॒न्थाम॑पि॒ नय॑त्यन॒ङ्घ्रान्दक्षि॑ण
 व॒ही ह्ये॑ष स॒मृद्ध्या॑ अ॒ग्नये॑ व्र॒तप॑तये (6)

पुरो॒डाशं॑ म॒ष्टाकं॑ पाल॒न्निर्वपे॑द्य आहि॑ताग्नि॒स्सन्न॑व्र॒त्यमि॑व
 चरे॑द॒ग्निमे॒व व्र॑तप॑ति ३ स्वेन॑ भा॒ग॒धेये॒नोप॑धावति॒
 स ए॒वैन॑म्व्र॒तमाल॑भयति॒ व्र॒त्यो भ॑वत्य॒ग्नये॑ रक्षो॒घ्ने
 पुरो॒डाशं॑ म॒ष्टाकं॑ पाल॒न्निर्वपे॑द्य ५ रक्षा॑ ५सि॒ सचै॑रन्न॒ग्निमे॒व
 र॑क्षो॒हण॑ ३ स्वेन॑ भा॒ग॒धेये॒नोप॑धावति॒ स ए॒वास्मा॑द्रक्षा॒ ५स्य॑प॒हन्ति॑
 नि॒शि॒ताया॑न्निर्वपेत् (7)

नि॒शि॒ताया॑ ५ हि रक्षा॑ ५सि॒ प्रेर॑ते॒ संप्रे॑र्णान्ये॒वैनानि॑
 ह॒न्ति॒ परि॑श्रिते॒ याज॑येद्रक्ष॑साम॒नन्व॑वचाराय॒ रक्षो॑घ्नी
 या॑ज्यानुवा॒क्ये भ॑वतो॒ रक्ष॑सा ५ स्तृ॒त्या अ॒ग्नये॑ रु॒द्रव॑ते
 पुरो॒डाशं॑ म॒ष्टाकं॑ पाल॒न्निर्वपे॑दभि॒चर॑न्नेषा॒ वा अ॑स्य॒ घोरा॑

त॒नूर्य॑द्रु॒द्रस्त॑स्मा॒ ए॒वैन॒मावृ॑श्चति॒ ता॒जगा॑र्ति॒माच्छ॑त्य॒ग्रये॑
 सुर॒भि॒मते॑ पुरो॒डाश॑म॒ष्टाक॑पाल॒न्निर्व॑पे॒द्यस्य॒ गावो॑ वा॒ पुरु॑षाः
 (8)

वा॒ प्र॒मीये॑रन्॒ यो वा॑ बि॒भीया॑दे॒षा वा अ॑स्य
 भेष॒ज्या॑ त॒नूर्य॑त्सु॒रभि॑मती॒ तयै॒वास्मै॑ भेष॒जङ्क॑रोति
 सुर॒भि॒मते॑ भवति॒ पूती॑ग॒न्धस्या॑प॒हत्या॒ अ॒ग्रये॒ क्षाम॑वते
 पुरो॒डाश॑म॒ष्टाक॑पाल॒न्निर्व॑पे॒त्सङ्गामे॑ स॒य्य॑न्ते॒ भाग॑धेये॒नैवैन॑
 शम॑यित्वा॒ परा॑न्भि॒ निर्दि॑शति॒ यम॑व॒रेषा॑व्वि॒द्ध्यन्ति॒ जीव॑न्ति॒
 स यं प॑रे॒षां प्र स॑ मी॒यते॒ जय॑ति॒ त॑ स॒ङ्गाम॑म् (9)

अ॒भि वा ए॒ष ए॒तानु॑च्यति॒ येषा॑ पूर्वा॒परा अ॒न्वश्चः॑
 प्र॒मीय॑न्ते॒ पुरु॑षाहु॒तिर्ह्य॑स्य॒ प्रि॒यत॑मा॒ऽग्रये॒ क्षाम॑वते
 पुरो॒डाश॑म॒ष्टाक॑पाल॒न्निर्व॑पे॒द्वाग॑धेये॒नैवैन॑ शम॑यति॒ नैषा॑
 पुरा॑ऽऽयु॒षोऽप॑रः॒ प्रमी॑यते॒ऽभि वा ए॒ष ए॒तस्य॑ गृ॒हानु॑च्यति॒
 यस्य॑ गृ॒हान्द॑ह॒त्य॒ग्रये॒ क्षाम॑वते॒ पुरो॒डाश॑म॒ष्टाक॑पाल॒न्निर्व॑पे॒द्वाग॑धेये॒
 शम॑यति॒ नास्या॑प॑र॒ङ्ग॒हान्द॑हति॥ (10)

अ॒ग्नये॑ का॒माय॑ पु॒रोडा॑शम॒ष्टाक॑पाल॒न्निर्व॑पेद्य॒ङ्कामो॑
 नोप॑नमेद॒ग्निमे॒व का॒मः॑ स्वेन॑ भा॒ग॒धेये॒नोप॑धावति॒ स
 ए॒वैन॑ङ्कामे॒न॒ सम॑र्द्धय॒त्युपै॑न॒ङ्कामो॑ नमत्य॒ग्नये॑ यवि॑ष्ठाय
 पु॒रोडा॑शम॒ष्टाक॑पाल॒न्निर्व॑पेत्स्प॒र्द्धमा॑नः॒ क्षेत्रे॑ वा सजा॒तेषु॑
 वाऽग्नि॑मे॒व यवि॑ष्ठः॑ स्वेन॑ भा॒ग॒धेये॒नोप॑धावति॒ तेनै॒वेन्द्रि॒यं
 वी॒र्यं॑ भ्रातृ॒व्यस्य॑ (11)

यु॒वते॒ वि पा॒प्मना॑ भ्रातृ॒व्येण॑ जयते॒ऽग्नये॑ यवि॑ष्ठाय
 पु॒रोडा॑शम॒ष्टाक॑पाल॒न्निर्व॑पेदभिच॒र्यमा॑णोऽग्नि॑मे॒व यवि॑ष्ठः॑
 स्वेन॑ भा॒ग॒धेये॒नोप॑धावति॒ स ए॒वास्मा॒द्रक्षा॑सि॒ यव॑यति
 नैन॑मभिच॒रन्त्स्तृ॑णुते॒ऽग्नय॑ आयु॑ष्मते पु॒रोडा॑शम॒ष्टाक॑पाल॒न्निर्व॑पेद्य
 का॒मये॑त् सर्व॒मायु॑रि॒यामि॒त्यग्नि॑मे॒वायु॑ष्मन्तः॑ स्वेन॑
 भा॒ग॒धेये॒नोप॑धावति॒ स ए॒वास्मि॑न् (12)

आयु॑र्दधाति॒ सर्व॒मायु॑रेत्य॒ग्नये॑ जा॒तवे॑दसे पु॒रोडा॑शम॒ष्टाक॑पाल॒
 जा॒तवे॑दसः॑ स्वेन॑ भा॒ग॒धेये॒नोप॑धावति॒ स ए॒वैनं॑ भूति॑ङ्गमयति॒
 भव॑त्ये॒वाग्नये॑ रुक्म॑ते पु॒रोडा॑शम॒ष्टाक॑पाल॒न्निर्व॑पेद्रुक्का॑मोऽग्नि॑मे॒व
 रुक्म॑न्तः॑ स्वेन॑ भा॒ग॒धेये॒नोप॑धावति॒ स ए॒वास्मि॑न्नुच॒न्दधा॑ति॒
 रोच॑त ए॒वाग्नये॑ तेज॑स्वते पु॒रोडा॑शम् (13)

अष्टाकपालन्निर्वपेत्तेजस्कामोऽग्निमेव तेजस्वन्तः३ स्वेन
 भागधेयेनोपधावति स एवास्मिन्तेजो दधाति तेजस्व्येव
 भवत्यग्नये साहन्त्याय पुरोडाशमष्टाकपालन्निर्वपेत्सीक्षमाणोऽग्नि
 साहन्त्यः३ स्वेन भागधेयेनोपधावति तेनैव संहते यः
 सीक्षते॥ (14)

करोत्यन्नादो दधाति यदग्नये शुचये चक्षुरेवास्मिन्तेन दधाति करोति वाजृष्यैर्जमानमुदेवास्य षट्॥ 4॥

अग्नयेऽन्नवते पुरोडाशमष्टाकपालन्निर्वपेद्यः कामयेतान्नवान्त्स
 स्वेन भागधेयेनोपधावति स एवैनमन्नवन्तङ्करोत्यन्नवानेव
 भवत्यग्नयेऽन्नादाय पुरोडाशमष्टाकपालन्निर्वपेद्यः
 कामयेतान्नादस्स्यामित्यग्निमेवान्नादः३ स्वेन भागधेयेनोपधावति
 स एवैनमन्नादङ्करोत्यन्नादः (15)

एव भवत्यग्नयेऽन्नपतये पुरोडाशमष्टाकपालन्निर्वपेद्यः
 कामयेतान्नपतिस्स्यामित्यग्निमेवान्नपतिः३ स्वेन भागधेयेनोपधावति
 स एवैनमन्नपतिङ्करोत्यन्नपतिरेव भवत्यग्नये पवमानाय
 पुरोडाशमष्टाकपालन्निर्वपेदग्नये पावकायाग्नये शुचये
 ज्योगामयावी यदग्नये पवमानाय निर्वपति प्राणमेवास्मिन्तेन
 दधाति यदग्नये (16)

पाव॒काय॒ वाच॑मे॒वास्मि॒न्तेन॑ दधाति॒ यद॒ग्रये॒ शुच॑य॒
 आयु॑रे॒वास्मि॒न्तेन॑ दधात्यु॒त यदी॑तासु॒र्भव॑ति जी॒वत्ये॒वैतामे॒व
 निर्व॑पे॒च्चक्षु॑ष्कामो॒ यद॒ग्रये॒ पव॑मानाय निर्व॑पति प्रा॒णमे॒वास्मि॒न्तेन॑
 दधाति॒ यद॒ग्रये॑ पाव॒काय॒ वाच॑मे॒वास्मि॒न्तेन॑ दधाति॒ यद॒ग्रये॒
 शुच॑ये॒ चक्षु॑रे॒वास्मि॒न्तेन॑ दधाति (17)

उ॒त यद्य॑न्धो भव॑ति॒ प्रैव॑ प॒श्यत्य॒ग्रये॑ पु॒त्रव॑ते
 पुरो॒डाश॑म॒ष्टाक॑पाल॒न्निर्व॑पेदिन्द्रा॒य पु॒त्रिणे॑ पुरो॒डाश॑मेका॒दश॑कपा
 प्र॒जाका॑मोऽग्नि॒रेवास्मै॑ प्र॒जां प्र॑ज॒नय॑ति वृ॒द्धामिन्द्रः॑
 प्रय॑च्छत्य॒ग्रये॒ रस॑वतेऽज॒क्षीरे॒ चरु॑न्निर्व॑पेद्यः का॒मये॑त
 रस॑वान्थस्या॒मित्य॒ग्निमे॒व रस॑वन्तः३ स्वेन॑ भा॒गधे॒येनोप॑धावति॒
 स ए॒वैन॑३ रस॑वन्तङ्क॒रोति॑ (18)

रस॑वाने॒व भ॑वत्यज॒क्षीरे॒ भव॑त्याग्नेयी॒ वा ए॒षा यद॒जा
 सा॒क्षादे॒व रस॑मव॑रुन्धेऽग्र॒ये वसु॑मते पुरो॒डाश॑म॒ष्टाक॑पाल॒न्निर्व॑पेद्यः
 का॒मये॑त वसु॑मान्थस्या॒मित्य॒ग्निमे॒व वसु॑मन्तः३ स्वेन॑
 भा॒गधे॒येनोप॑ धावति॒ स ए॒वैन॑ वसु॑मन्तङ्क॒रोति॑ वसु॑माने॒व
 भ॑वत्य॒ग्रये॒ वाज॑सृते॒ पुरो॒डाश॑म॒ष्टाक॑पाल॒न्निर्व॑पेत्सङ्ग्रामे॒
 सय्य॑न्ते॒ वाज॑म् (19)

वा ए॒ष सि॑सी॒रषति॑ यस्सं॑ङ्गाम॒ञ्जिगी॑षत्य॒ग्निः
 खलु॑ वै दे॒वानाँ॑वाँज॒सृद॒ग्निमे॒व वाँज॒सृत॑ः स्वेन॑
 भा॒ग॒धेये॒नोप॑धावति॒ धाव॑ति॒ वाज॑ः ह॒न्ति वृ॒त्रञ्ज॑यति
 तः सं॑ङ्गाम॒मथो॑ अ॒ग्निरि॑व न प्र॒तिधृ॑षे भवत्य॒ग्नये॑ऽग्न॒िवते॑
 पुरो॒डाश॑म॒ष्टाक॑पाल॒न्निर्व॑पेद्यस्या॒ग्राव॒ग्निम॑भ्युद्धरे॒युर्निर्दि॑ष्टभा॒गो
 वा ए॒तयो॑र॒न्योऽनि॑र्दिष्टभा॒गोऽन्य॑स्तौ सं॒भव॑न्तौ यज॑मानम्
 (20)

अ॒भिसं॑भवत॒स्स ई॑श्वर आ॒र्तिमा॒र्तो॒र्यद॒ग्नये॑ऽग्न॒िवते॑
 नि॒र्वप॑ति भा॒ग॒धेये॑नै॒वैनौ॑ शमयति॒ ना॒र्तिमा॑र्छति॒ यज॑मानोऽग्न॒ये
 ज्योति॑ष्मते पुरो॒डाश॑म॒ष्टाक॑पाल॒न्निर्व॑पेद्यस्या॒ग्निरुद्ध॑तोऽहु॒तेऽग्नि॑हं
 उ॒द्वाये॒दपर॑ आ॒दीप्या॑नूद्धृत्य॒ इत्या॑हुस्तत्तथा॒ न का॒र्यय्यँ॑द्वा॒ग॒धेय॑म
 पूर्वं उद्ध्र॑यते॒ किम॑परोऽभ्युत् (21)

हि॒येते॒ति तान्ये॒वाव॑क्षाणा॒नि सन्नि॒धाय॑ मन्थे॒दितः॑
 प्र॒थम॑ञ्ज॒ज्ञे अ॒ग्निः स्वा॒द्योने॒रधि॑ जा॒तवे॑दाः। स गा॑यत्रि॒या
 त्रि॒ष्टुभा॒ जग॑त्या दे॒वेभ्यो॑ ह॒व्यव॑हतु प्र॒जान॑न्निति॒
 छन्दो॑भिरे॒वैनः॑ स्वा॒द्योने॒ः प्रज॑नयत्ये॒ष वाव॑ सोऽग्निरि॒त्याहु॑र्ज्योति॒

अस्य परापतितमिति यद्ग्नये ज्योतिष्मते निर्वपति यद्वास्य
ज्योतिः परापतितन्तदेवावरुन्धे॥ (22)

प्रजाकामस्सवँत्सरः पुनात्येवैनं पूतस्सर्मष्टे तादृङ्गारुतो भवत्येकान्नत्रिंशच्च॥ 5॥

वैश्वानरन्द्वादशकपालन्निर्वपेद्वारुणञ्चरुन्दधिक्राव्णै
चरुमंभिशस्यमानो यद्वैश्वानरो द्वादशकपालो भवति
सवँत्सरः वा अग्निर्वैश्वानरस्सवँत्सरेणैवैनं स्वदयत्यप
पापवँर्णं हते वारुणेनैवैनं वँरुणपाशान्मुञ्चति दधिक्राव्णां
पुनाति हिरण्यन्दक्षिणा पवित्रवँ हिरण्यं पुनात्येवैनमाद्यमस्यान्नं
भवत्येतामेव निर्वपेत्प्रजाकामः सवँत्सरः (23)

वा एतस्याशान्तो योनिं प्रजायै पशूनान्निर्दहति योऽलं
प्रजायै सन्प्रजान्न विन्दते यद्वैश्वानरो द्वादशकपालो
भवति सवँत्सरः वा अग्निर्वैश्वानरस्सवँत्सरमेव भागधेयेन
शमयति सोऽस्मै शान्तः स्वाद्योनेः प्रजां प्रजनयति
वारुणेनैवैनं वँरुणपाशान्मुञ्चति दधिक्राव्णां पुनाति
हिरण्यन्दक्षिणा पवित्रवँ हिरण्यं पुनात्येवैनम् (24)

विन्दते प्रजावँश्वानरन्द्वादशकपालं निर्वपेत्पुत्रे जाते

यदष्टाकपालो भवति गायत्रियैवैनं ब्रह्मवर्चसेन पुनाति
 यन्नवकपालस्त्रिवृतैवास्मिन्तेजो दधाति यद्वशकपालो
 विराजैवास्मिन्नत्राद्यन्दधाति यदेकादशकपालस्त्रिष्टुभैवा-
 स्मिन्निन्द्रियं दधाति यद्वादशकपालो जगत्यैवास्मिन्पशून्दधाति
 यस्मिञ्जात एतामिष्टिन्निर्वपति पूतः (25)

एव तेजस्व्यन्नाद इन्द्रियावी पशुमान्भवत्यव वा
 एष सुवर्गल्लोकाच्छिद्यते यो दर्शपूर्णमासयाजी
 सन्नमावास्याँ पौर्णमासीँ ऽतिपादयति सुवर्गाय
 हि लोकाय दर्शपूर्णमासाविज्येते वैश्वानरन्द्वादश-
 कपालन्निर्वपेदमावास्याँ पौर्णमासीँ ऽतिपाद्य सवँत्सरो
 वा अग्निर्वैश्वानरस्सवँत्सरोमेव प्रीणात्यथो सवँत्सरोमेवास्मा
 उपदधाति सुवर्गस्य लोकस्य समष्ट्यै (26)

अथो देवता एवान्वारभ्य सुवर्गल्लोकमेति वीरहा वा
 एष देवानाय्यो ऽग्निमुद्वासयते न वा एतस्य ब्राह्मणा ऋतायवः
 पुरा ऽन्नमक्षन्नाग्नेयमष्टाकपालन्निर्वपेद्वैश्वानरन्द्वादशकपालमग्निमु-
 यदष्टाकपालो भवत्यष्टाक्षरा गायत्री गायत्रो ऽग्निर्यावानेवाग्निस्तर-
 आतिथ्यङ्करोत्यथो यथा जनय्यते ऽवसङ्करोति तादृक् (27)

ए॒व तद्द्वाद॑शकपालो वै॒श्वान॒रो भ॑वति॒ द्वाद॑श
मा॒सा॒स्स॒वँ॒त्स॒र॒स्स॒वँ॒त्स॒रः॒ खलु॑ वा अ॒ग्ने॒र्यो॒नि॒स्स्वामे॑वैन॒य्यो॒नि॒ङ्ग
भवति॑ वै॒श्वान॒र॒न्द्वाद॑शकपाल॒न्निर्व॑पेन्मा॒रुत॑ः स॒प्तक॑पाल॒ङ्गाम॑का
आ॒हव॑नीये॒ वैश्वान॑रमधि॒श्रय॑ति॒ गा॒र्ह॑पत्ये॒ मा॒रुतं॑
पा॒पव॑स्य॒सस्य॑ वि॒धृत्यै॒ द्वाद॑शकपालो वै॒श्वान॒रो भ॑वति॒
द्वाद॑श मा॒सा॒स्स॒वँ॒त्स॒र॒स्स॒वँ॒त्स॒रेणै॒वास्मै॑ सजा॒ताः श्र्या॑वयति
मा॒रुतो॑ भ॑वति (28)

म॒रुतो॑ वै दे॒वाना॒न्विंशो॑ दे॒ववि॒शेनै॒वास्मै॑ म॒नुष्य॑वि॒शम॑वरु॒न्धे
स॒प्तक॑पालो भवति॒ स॒प्तग॑णा॒ वै म॒रुतो॑ ग॒णश॑ ए॒वास्मै॑
सजा॒तान॑वरु॒न्धेऽनू॑च्यमा॒न आ॒सा॒दय॑ति॒ वि॒शमे॒वास्मा॑
अ॒नुव॑र्त्मानङ्क॒रोति॥ (29)

मृ॒जा॒ते नि॒र्वरु॑ण॒वँपे॑दु॒भया॑द॒द्यो वै स॑वँ॒त्स॒रः ष॒ट्त्रिं॑शच्च।⁽⁶⁾

आ॒दि॒त्यश्च॒रुन्निर्व॑पेत्स॒ङ्गाम॑मु॒पप्र॑या॒स्यन्नि॒यवँ॑ अ॒दि॒तिर॒स्यामे॑त
पूर्वे॒ प्र॒ति॒ति॒ष्ठन्ति॑ वै॒श्वान॒र॒न्द्वाद॑शकपाल॒न्निर्व॑पेदा॒यत॑न॒ङ्गत्वा॑
स॒वँ॒त्स॒रो वा अ॒ग्निर्वै॑श्वान॒र॒स्स॒वँ॒त्स॒रः॒ खलु॑ वै दे॒वाना॑मा॒यत॑नमे॒त
आ॒यत॑नाद्दे॒वा अ॑सु॒रान॑जयन् यद्वै॒श्वान॒र॒न्द्वाद॑शकपाल॒न्निर्व॑पति
दे॒वाना॑मे॒वाय॑त॒ने य॑तते॒ जय॑ति॒ तः स॑ङ्गाममे॒तस्मि॒न्वा ए॒तौ

मृजाते (30)

यो वि॑द्विषा॒णयो॒रन्न॒मत्ति॑ वै॒श्वान॒रन्द्वा॑द॒शक॒पाल॒न्निर्व॑पेद्विद्विषा॒
 स॒वँ॑त्स॒रो वा अ॒ग्निर्वै॑श्वान॒रस्स॑वँ॒त्स॒रस्व॑दि॒तमे॒वात्ति॑
 नास्मि॑न्मृजाते स॒वँ॑त्स॒राय॒ वा ए॒तौ स॑म॒माते॒ यौ
 स॑म॒माते॒ तयो॒र्यः पूर्॒वोऽभि॒द्रुह्य॑ति॒ तवँ॑रु॒णो गृ॑ह्णाति
 वै॒श्वान॒रन्द्वा॑द॒शक॒पाल॒न्निर्व॑पेत्स॒ममा॒नयोः॒ पूर्॒वोऽभि॒द्रुह्य॑
 स॒वँ॑त्स॒रो वा अ॒ग्निर्वै॑श्वान॒रस्स॑वँ॒त्स॒रमे॒वात्वा नि॑र्व॒रुण॑म्
 (31)

प॒रस्ता॑द॒भिद्रु॑ह्यति॒ नै॒न॒वँ॑रु॒णो गृ॑ह्णा॒त्याव्य॑वँ॒ ए॒ष
 प्र॒तिगृ॑ह्णाति॒ योऽवि॑ प्र॒तिगृ॑ह्णाति॒ वै॒श्वान॒रन्द्वा॑द॒शक॒पाल॒न्निर्व॑पेद॒वि
 प्र॒तिगृ॑ह्य॒ स॒वँ॑त्स॒रो वा अ॒ग्निर्वै॑श्वान॒रस्स॑वँ॒त्स॒रस्व॑दि॒तामे॒व
 प्र॒तिगृ॑ह्णाति॒ नाव्य॑ प्र॒तिगृ॑ह्णा॒त्यात्म॑नो॒ वा ए॒ष मा॒त्रा॑मा॒प्नोति॒ य
 उ॒भया॑द॒प्रति॑गृह्णा॒त्यश्व॑वँ॒ पुरु॑षवँ॒ वै॒श्वान॒रन्द्वा॑द॒शक॒पाल॒न्निर्व॑पेद॒
 (32)

प्र॒तिगृ॑ह्य॒ स॒वँ॑त्स॒रो वा अ॒ग्निर्वै॑श्वान॒रस्स॑वँ॒त्स॒रस्व॑दि॒तमे॒व
 प्र॒तिगृ॑ह्णाति॒ ना॒त्मनो॒ मा॒त्रा॑मा॒प्नोति॒ वै॒श्वान॒रन्द्वा॑द॒शक॒पाल॒न्निर्व॑पेत्

वा अ॒ग्निर्वै॑श्वान॒रो य॒दा खलु॑ वै स॒व्वँ॑त्स॒रञ्जन॑ताया॒श्चर॑त्यथ
 स ध॑ना॒र्घो भ॑वति॒ यद्वै॑श्वान॒रन्द्वाद॑शकपाल॒न्निर्व॑पति
 स॒व्वँ॑त्स॒रसा॑तामे॒व स॒निम॑भि प्रच्य॑वते॒ दान॑कामा अस्मै प्र॒जा
 भ॑वन्ति॒ यो वै स॒व्वँ॑त्स॒रम् (33)

प्र॒युज्य॒ न वि॑मु॒ञ्चत्य॑प्रतिष्ठा॒नो वै स भ॑वत्ये॒तमे॒व
 वै॑श्वान॒रं पुन॑रा॒गत्य॒ निर्व॑पे॒द्यमे॒व प्र॑यु॒ङ्क्ते तं भा॑ग॒धेये॑न॒
 वि॑मु॒ञ्चति॒ प्रति॑ष्ठित्यै॒ यया॒ रज्ज्वो॑त्त॒माङ्गामा॑जेत्तां॒ भ्रातृ॑व्याय॒
 प्रहि॑णुया॒न्निर्ऋ॑तिमे॒वास्मै॒ प्रहि॑णोति॥ (34)

इन्द्रियावन्तः॑ स्वेन॑ भाग॒धेये॑नोप॒धावति॒ सौ॑ऽर्कवन्तः॑ स्वेन॑ भाग॒धेये॑नेन्द्रा॒यास्मान्मृ॑धो॑ऽस्मे स॒प्त च॑। 7।

ऐ॒न्द्रश्च॒रुन्निर्व॑पेत्प॒शुकाम॑ ऐ॒न्द्रा वै प॒शव॑ इन्द्र॑मे॒व
 स्वेन॑ भाग॒धेये॑नोप॒धावति॒ स ए॒वास्मै॑ प॒शून्प्रय॑च्छति
 प॒शुमाने॒व भ॑वति॒ च॒रुर्भ॑वति॒ स्वादे॒वास्मै॒ योने॑ः
 प॒शून्प्रज॑नय॒तीन्द्रा॑येन्द्रि॒याव॑ते पुरो॒डाश॑मेका॒दश॑कपाल॒न्निर्व॑पेत्प॒शुः
 इन्द्रि॒यवै॑ प॒शव॑ इन्द्र॑मे॒वेन्द्रि॒याव॑न्तः॑ स्वेन॑ भाग॒धेये॑नोप॒
 धावति॒ सः (35)

ए॒वास्मा॑ इन्द्रि॒यं प॒शून्प्रय॑च्छति प॒शुमाने॒व भ॑व॒तीन्द्रा॑य

घर्मवन्ते पुरोडाशमेकादशकपालन्निर्वपेद्ब्रह्मवर्चसकामो
 ब्रह्मवर्चसवै घर्म इन्द्रमेव घर्मवन्तः३ स्वेन भागधेयेनोपधावति
 स एवास्मिन्ब्रह्मवर्चसन्दधाति ब्रह्मवर्चस्येव भवतीन्द्रायाः कवन्ते
 पुरोडाशमेकादशकपालन्निर्वपेदन्नकामोऽर्को वै देवानामन्नमिन्द्रः
 स्वेन भागधेयेन (36)

उपधावति स एवास्मा अन्नं प्रयच्छत्यन्नाद एव भवतीन्द्राय
 घर्मवन्ते पुरोडाशमेकादशकपालन्निर्वपेदिन्द्रायेन्द्रियावन्त
 इन्द्रायाः कवन्ते भूतिकामो यदिन्द्राय घर्मवन्ते निर्वपति शिर
 एवास्य तेन करोति यदिन्द्रायेन्द्रियावन्त आत्मानमेवास्य
 तेन करोति यदिन्द्रायाः कवन्ते भूत एवान्नाद्ये प्रतितिष्ठति
 भवत्येवेन्द्राय (37)

अ॥ होमुचै पुरोडाशमेकादशकपालन्निर्वपेद्यः पाप्मनां
 गृहीतस्स्यात्पाप्मा वा अ॥ ह इन्द्रमेवा॥ होमुच३ स्वेन
 भागधेयेनोपधावति स एवैनं पाप्मनोऽ॥ हसो मुञ्चतीन्द्राय
 वैमृधाय पुरोडाशमेकादशकपालन्निर्वपेद्यं मृधोऽभि
 प्रवेपैरन्नाष्ट्राणि वाऽभिसंमियुरिन्द्रमेव वैमृधः३ स्वेन
 भागधेयेनोपधावति स एवास्मान्मृधः (38)

अप॑ह॒न्तीन्द्रा॑य त्रा॒त्रे पु॒रोडा॑श॒मेका॑दशकपाल॒न्निर्व॑पेद्व॒द्धो
वा॒ परि॑यत्तो वेन्द्र॑मेव त्रा॒तार॒ः॒ स्वेन॑ भाग॒धेये॒नोप॑धावति॒ स
ए॒वैन॑त्रायत॒ इन्द्रा॑यार्क॒श्वमे॑धवते पु॒रोडा॑श॒मेका॑दशकपाल॒न्निर्व॑पेद्व॒द्धो
म॑हाय॒ज्ञो नो॒पन॑मैदेते वै म॑हाय॒ज्ञस्यान्त्ये॑ त॒नू यद॑र्का॒श्वमे॑धाविन्द्र॒
स्वेन॑ भाग॒धेये॒नोप॑धावति॒ स ए॒वास्मा॑ अन्त॒तो
म॑हाय॒ज्ञश्चा॑वयत्यु॒पैनं॑ म॑हाय॒ज्ञो न॑मति॥ (39)

अपि॒ तः॑ स्युर्वे॒न्ध भ॑वति॒ चतु॑र्दश॒ च॥ 7॥

इन्द्रा॑यान्वृ॒जवे पु॒रोडा॑श॒मेका॑दशकपाल॒न्निर्व॑पेद्वाम॑काम॒
इन्द्र॑मे॒वान्वृ॒जुः॒ स्वेन॑ भाग॒धेये॒नोप॑ धावति॒ स ए॒वास्मै॑
स॒जा॒तान॑नु॒कान्क॑रोति॒ ग्राम्ये॑व भ॑वतीन्द्रा॒ण्यै च॒रुन्निर्व॑पेद्वस्य॒
सेना॑ऽस॒शिते॑व॒ स्यादिन्द्रा॑णी॒ वै सेना॑यै दे॒वतेन्द्रा॑णीमेव
स्वेन॑ भाग॒धेये॒नोप॑धावति॒ सैवास्य॒ सेना॒ऽस॒शय॑ति॒
ब॒ल्व॒जान॑पि (40)

इ॒द्धो स॒न्नह्ये॑द्गौर्य॒त्राधि॑ष्क॒त्रा न्यमे॑ह॒त्ततो॒ बल्व॑जा॒
उद॑तिष्ठ॒न्गवा॑मे॒वैनं॑ न्या॒यम॑पिनीय॒ गा वे॑दय॒तीन्द्रा॑य म॒न्युम॑ते॒
मन॑स्वते पु॒रोडा॑श॒मेका॑दशकपाल॒न्निर्व॑पेत्सङ्गामे॒ सय्य॑त्त
इन्द्रि॑येण॒ वै म॒न्युना॒ मन॑सा सङ्गाम॒ञ्जय॑तीन्द्र॒मेव॑ म॒न्युम॑न्तं

मनस्वन्तः३ स्वेन॑ भाग॒धेये॒नोप॑ धावति॒ स ए॒वास्मिन्निन्द्रि॒यं
म॒न्युं मनो॑ दधाति॒ जय॑ति॒ तम् (41)

स॒ङ्ग्राम॑मे॒तामे॒व निर्व॑पे॒द्यो ह॒तम॑नास्स्व॒यंपा॑प इ॒व
स्यादे॒तानि॒ हि वा ए॒तस्मा॒दप॑क्रान्ता॒न्यथै॑ष ह॒तम॑नास्स्व॒यंपा॑प
इन्द्र॑मे॒व म॑न्युमन्तं॒ मन॑स्वन्तः३ स्वेन॑ भाग॒धेये॒नोप॑धावति॒ स
ए॒वास्मिन्निन्द्रि॒यं म॒न्युं मनो॑ दधाति॒ न ह॒तम॑नास्स्व॒यंपा॑पो
भव॑तीन्द्रा॒य दा॒त्रे पु॑रो॒डाश॑मेका॒दश॑कपाल॒न्निर्व॑पे॒द्यः का॒मये॑त॒
दान॑कामा मे प्र॒जास्स्युः (42)

इतीन्द्र॑मे॒व दा॒तारः३ स्वेन॑ भाग॒धेये॒नोप॑धावति॒ स ए॒वास्मै
दान॑कामाः प्र॒जाः क॑रोति॒ दान॑कामा अ॒स्मै प्र॒जा भ॑वन्तीन्द्रा॒य
प्रदा॑त्रे पु॑रो॒डाश॑मेका॒दश॑कपाल॒न्निर्व॑पे॒द्यस्मै प्र॑त्तमि॒व सन्न
प्र॑दीयेतेन्द्र॑मे॒व प्र॑दा॒तारः३ स्वेन॑ भाग॒धेये॒नोप॑धावति॒ स ए॒वास्मै
प्रदा॑पय॒तीन्द्रा॒य सु॒त्राम्णे॑ पु॒रोडा॑शमेका॒दश॑कपाल॒न्निर्व॑पे॒दपरु॑द्धो
वा (43)

अ॒परु॑द्धमा॒नो वे॒न्द्रमे॒व सु॒त्रामा॑णः३ स्वेन॑ भाग॒धेये॒नोप॑धावति॒
स ए॒वैन॑त्रायतेऽन॒परु॑द्धो भ॑वतीन्द्रो वै स॒दृङ्
दे॒वता॑भिरासी॒त्स न व्या॒वृत्त॑मगच्छ॒त्स प्र॒जाप॑ति॒मुपा॑धाव॒त्तस्मा॑

ए॒तमै॒न्द्रमे॒काद॑श॒कपाल॑न्नि॒रव॑प॒त्तेनै॒वास्मि॑न्निन्द्रि॒यम॑दधा॒च्छक्क॑री
याज्या॒नुवा॒क्ये अ॒करो॒द्वज्रो॒ वै श॑क्क॒री स ए॑न॒घँज्रो॒ भूत्या॑
ऐ॒न्ध (44)

सोऽभ॒व॒त्सोऽबि॒भेद्भू॑तः प्र मा धक्ष्य॒तीति॒ स
प्र॒जाप॑तिं पु॒नरु॒पाधा॑व॒त्स प्र॒जाप॑तिश्शक्क॒र्या अधि॑
रे॒वती॒न्निर॑मिमीत॒ शान्त्या॒ अप्र॑दाहाय॒ योऽल॑ः श्रियै
सन्ध॑स॒दृङ्ख॑स॒मानै॑स्स्यात्तस्मा॑ ए॒तमै॒न्द्रमे॒काद॑श॒कपाल॑न्निर्व॒पेदि॑न्
स्वेन॑ भा॒गधे॑ये॒नोप॑धावति॒ स ए॒वास्मि॑न्निन्द्रि॒यन्द॑धाति॒ रेवती॑
पुरो॑नुवा॒क्या भ॑वति॒ शान्त्या॒ अप्र॑दाहाय॒ शक्क॑री या॒ज्या वज्रो॑
वै श॑क्क॒री स ए॑न॒घँज्रो॒ भूत्या॑ इ॒न्धे भ॑वत्ये॒व॥ (45)

ब्रह्मणैवेनमभिचरति यज्ञो न तावेवास्थैन्द्रियमाप्नोति देवतास्सुसन्निःशब्दः 9।

आ॒ग्ना॒वैष्ण॑वमे॒काद॑क॒पाल॑न्निर्व॒पेद॑भि॒चर॑न्ध॒सर॑स्व॒त्याज्य॑भागा
स्याद्वा॒र्हस्प॑त्यश्च॒रुर्य॑दा॒ग्नावैष्ण॑व ए॒काद॑श॒कपालो॑
भ॑वत्य॒ग्निस्स॑र्वा दे॒वता॒ विष्णु॑र्य॒ज्ञो दे॒वता॑भिश्चै॒वैन॑र्य्य॒ज्ञेन॑
चा॒भिच॑रति॒ सर॑स्व॒त्याज्य॑भागा भ॑वति॒ वाग्वै॒ सर॑स्वती
वा॒चैवैन॑म॒भिच॑रति॒ बार्ह॑स्प॒त्यश्च॒रुर्भ॑वति॒ ब्रह्म॒ वै दे॒वानां॑
बृ॒हस्प॑तिर्ब्रह्मणै॒वेन॑म॒भिच॑रति (46)

प्रति वै पुरस्तादभिचरन्तमभिचरन्ति द्वे द्वे पुरोनुवाक्ये
 कुर्यादतिप्रयुक्त्या एतयैव यजेताभिचर्यमाणो देवताभिरेव
 देवताः प्रतिचरति यज्ञेन यज्ञवृक्षा वाचं ब्रह्मणा
 ब्रह्म स देवताश्चैव यज्ञश्च मद्ध्यतो व्यवसर्पति
 तस्य न कुतश्चनोपाव्याधो भवति नैनमभिचरन्स्तृणुत
 आग्नावैष्णवमेकादशकपालन्निर्वपेद्यय्यंज्ञो न (47)

उपनमेदग्निस्सर्वा देवता विष्णुर्यज्ञोऽग्निश्चैव विष्णुश्च स्वेन
 भागधेयेनोपधावति तावेवास्मै यज्ञं प्रयच्छत उपैनय्यंज्ञो
 नमत्याग्नावैष्णवङ्घ्रुते चरुन्निर्वपेच्चक्षुष्कामोऽग्नेर्वै चक्षुषा
 मनुष्या वि पश्यन्ति यज्ञस्य देवा अग्निश्चैव विष्णुश्च स्वेन
 भागधेयेनोपधावति तावेव (48)

अस्मिश्चक्षुर्धत्तश्चक्षुष्मानेव भवति धेन्वै वा एतद्रेतो
 यदाज्यमनडुहस्तण्डुला मिथुनादेवास्मै चक्षुः प्रजनयति घृते
 भवति तेजो वै घृतन्तेजश्चक्षुस्तेजसैवास्मै तेजश्चक्षुरवरुन्ध
 इन्द्रियवै वीर्यवृद्धे भ्रातृव्यो यजमानोऽयंजमानस्याद्धुरकल्पां
 प्रति निर्वपेद्भ्रातृव्ये यजमाने नास्येन्द्रियम् (49)

वीर्यवृद्धे पुरा वाचः प्रवदितो निर्वपेद्यावत्येव वाक्तामप्रौदितां

भ्रातृव्यस्य वृद्धे तामस्य वाचं प्रवदन्तीमन्या वाचोऽनु
 प्रवदन्ति ता इन्द्रियवैर्यय्यंजमाने दधत्याग्रावैष्णवमष्टाकपालानि
 सरस्वत्याज्यभागा स्याद्वार्हस्पत्यश्चरुर्यदष्टाकपालो
 भवत्यष्टाक्षरा गायत्री गायत्रं प्रातस्सवनं प्रातस्सवनमेव
 तेनाप्रोति (50)

आग्रावैष्णवमेकादशकपालनिर्वपेन्माध्यन्दिनस्य
 सवनस्याकाले सरस्वत्याज्यभागा स्याद्वार्हस्पत्यश्चरुर्यदेकादश
 भवत्येकादशाक्षरा त्रिष्टुप्त्रैष्टुभं माध्यन्दिनं सवनं
 माध्यन्दिनमेव सवनन्तेनाप्रोत्याग्रावैष्णवद्वादशकपालनिर्वपेत्तृतीय
 सरस्वत्याज्यभागा स्याद्वार्हस्पत्यश्चरुर्यद्वादशकपालो
 भवति द्वादशाक्षरा जगती जागतन्तृतीयसवनन्तृतीयसवनमेव
 तेनाप्रोति देवताभिरेव देवताः (51)

प्रतिचरति यज्ञेन यज्ञवैचा वाचं ब्रह्मणा ब्रह्म कपालैरेव
 छन्दाः स्याप्रोति पुरोडाशैस्सवनानि मैत्रावरुणमेककपालनिर्वपेत्
 काले यैवासौ भ्रातृव्यस्य वशाऽनूबन्ध्या सो एवैषैतस्यैककपालो
 भवति नहि कपालैः पशुमर्हत्यासुम्॥ (52)

अ॒सावा॑दि॒त्यो न व्य॑रोच॒त॒ तस्मै॑ दे॒वाः प्राय॑श्चि॒त्तिमैच्छ॑न्तस्मा॒
 ए॒त॒५ सो॑मा॒रौद्रश्च॑रु॒न्निर्व॑प॒न्तेनै॒वास्मि॑न्नु॒चंम॑दधुर्यो
 ब्र॑ह्मवर्च॒सका॑मः स्या॒त्तस्मा॑ ए॒त॒५ सो॑मा॒रौद्रश्च॑रु॒न्निर्व॑पे॒त्सोमं॑श्चै॒व
 रु॒द्रश्च॑ स्वेन॑ भा॒ग॒धेये॒नोप॑धावति॒ तावे॒वास्मि॑न्ब्रह्मवर्च॒सन्ध॑तो
 ब्रह्मवर्च॒स्यैव॑ भ॒वति॑ ति॒ष्यापू॑र्णमा॒से निर्व॑पेद्रु॒द्रः (53)

वै ति॒ष्यस्सो॑मः पू॒र्णमा॑सस्सा॒क्षादे॒व ब्र॑ह्मवर्च॒समव॑रु॒न्धे
 परि॑श्रिते याज॒यति॑ ब्रह्मवर्च॒सस्य॑ परि॑गृही॒त्यै श्वे॒तायै॑
 श्वे॒तव॑त्सायै दु॒ग्धं म॑थि॒तमा॑ज्यं भव॒त्याज्यं॑ प्रोक्ष॑ण॒माज्ये॑न
 मार्ज॑यन्ते याव॑दे॒व ब्र॑ह्मवर्च॒सन्त॑त्सर्व॒ङ्करो॑त्यति॒ ब्रह्मवर्च॑सङ्कि॒र्यत॑
 इत्या॑हुरीश्व॒रो दु॒श्चर्मा॑ भवि॑तो॒रिति॑ मा॒नवी॑ ऋ॒चौ धा॒र्ये
 कुर्या॑द्यद्वै किञ्च॒ मनुर॑व॒दत्त॑द्भ॒षज॑म् (54)

भे॒ष॒जमे॒वास्मै॑ करोति॒ यदि॑ बिभी॒याद्दु॒श्चर्मा॑ भवि॒ष्यामी॑ति॒
 सो॒मापौ॑ष्णश्चरु॒न्निर्व॑पे॒त्सौम्यो॑ वै दे॒वत॑या॒ पुरु॑षः पौ॒ष्णाः
 प॒शव॑स्स्वयै॒वास्मै॑ दे॒वत॑या॒ प॒शुभि॑स्त्वच॒ङ्करो॑ति॒ न दु॒श्चर्मा॑
 भव॑ति सो॒मा॒रौद्रश्च॑रु॒न्निर्व॑पेत्प्र॒जाका॑म॒स्सोमो॑ वै रे॒तो॒धा
 अ॒ग्निः प्र॒जाना॑ प्र॒जनयि॑ता सोमं॑ ए॒वास्मै॑ रे॒तो दधा॑त्य॒ग्निः

प्रजां प्रजनयति विन्दते (55)

प्रजा॑ सो॒मारौ॒द्रश्च॒रुन्निर्व॑पेदभि॒चर॑न्सौ॒म्यो वै दे॒वता॑या
पुरु॑ष ए॒ष रु॒द्रो यद॒ग्निस्स्वा॑या ए॒वैन॑न्दे॒वता॑यै निष्क्री॒य
रु॒द्राया॑पि दधाति ता॒जगा॑र्तिमा॒र्च्छति॑ सो॒मारौ॒द्रश्च॒रुन्निर्व॑पे॒ज्योगा॑
सोम॒व्वा ए॒तस्य॑ रसो गच्छत्य॒ग्निः शरी॑र॒य्यस्य॑ ज्यो॒गाम॑यति
सोमा॑दे॒वास्य॑ रस॒न्निष्क्री॑णात्य॒ग्रेऽशरी॑रमु॒त यदि॑ (56)

इ॒तासु॑र्भवति जी॒वत्ये॒व सो॒मारु॒द्रयो॒र्वा ए॒तङ्ग॑सि॒तः
हो॒ता नि॒ष्विद॑ति स ई॒श्वर॑ आ॒र्तिमा॑र्तो॒रनु॒द्वा॒न् हो॒त्रा
दे॒यो वह्नि॑र्वा अ॒नुद्वा॒न् वहि॑र॒होता॑ वह्नि॒नैव॑ वह्नि॒मात्मान॑
स्पृ॒णोति॑ सो॒मारौ॒द्रश्च॒रुन्निर्व॑पे॒द्यः का॒मये॑त॒ स्वेऽस्मा॑ आ॒यत॑ने
भ्रातृ॑व्यञ्जनये॒यमि॒ति वेदि॑ परि॒गृह्या॑र्द्धमु॒द्धन्या॑र्द्ध॒त्रार्द्धं
ब॒र्हिषः॑ स्तृणी॒यादर्द्धं॑ ना॒र्द्धमि॒द्धस्य॑भ्या॒दद्ध्या॑र्द्धं न स्व
ए॒वास्मा॑ आ॒यत॑ने भ्रातृ॑व्यञ्जनयति॥ (57)

विशमेव तिष्ठन्त्येतामेवाथैन्द्रस्य याज्यानुवाक्ये तद्वैरुणाय चतुर्दश च। 11।

ऐ॒न्द्रमे॒काद॑शक॒पाल॒न्निर्व॑पे॒न्मारु॑तः स॒प्तक॑पाल॒ङ्गाम॑काम
इ॒न्द्रश्चै॒व म॒रुत॑श्च स्वेन॑ भा॒गधे॑ये॒नोप॑ धावति त ए॒वास्मै॑
सजा॒तान्प्र॑यच्छन्ति ग्रा॒म्ये॒व भ॑वत्याहव॒नीय॑ ऐ॒न्द्रमधि॑श्रयति

गार्हपत्ये मारुतं पापवस्यसस्य विधृत्यै सप्तकपालो
मारुतो भवति सप्तगणा वै मरुतो गणश एवास्मै
सजातानवरुन्धेऽनूच्यमान आसादयति विशमेव (58)

अस्मा अनुवर्त्मानङ्करोत्येतामेव निर्वपेद्यः कामयेत
ख्यत्राय च विशे च समदन्दद्ध्यामित्यैन्द्रस्यावद्यन्ब्रूयादिन्द्रायानु
ब्रूहीत्याश्राव्य ब्रूयान्मरुतो यजेति मारुतस्यावद्यन्ब्रूयान्मरुद्ध्योऽ
ब्रूयादिन्द्रय्यजेति स्व एवैभ्यो भागधेये समदन्दधाति
वितृ० हाणास्तिष्ठन्त्येतामेव (59)

निर्वपेद्यः कामयेत कल्पेरन्निति यथादेवतमवदाय
यथादेवतर्य्यजेद्भागधेयेनैवैनान् यथायथङ्कल्पयति कल्पन्त
एवैन्द्रमेकादशकपालन्निर्वपेद्वैश्वदेवन्द्वादशकपालङ्ग्रामकाम
इन्द्रश्चैव विश्वा०श्च देवान्स्वेन भागधेयेनोप धावति त
एवास्मै सजातान्प्रयच्छन्ति ग्राम्येव भवत्यैन्द्रस्यावदाय
वैश्वदेवस्यावद्येदथैन्द्रस्य (60)

उपरिष्ठादिन्द्रियेणैवास्मा उभयतस्सजातान्परिगृह्णात्युपाधाय
दखिणा सजातानामुपहित्यै पृश्निज्यै दुग्धे प्रैयङ्गवश्चरुन्निर्वपेन्म
ग्रामकामः पृश्निज्यै वै पयसो मरुतो जाताः पृश्निज्यै

प्रि॒यङ्ग॒वो मा॒रु॒ताः ख॒लु वै दे॒वत॑या स॒जा॒ता म॒रुत॑ ए॒व स्वेन॑
भा॒ग॒धे॒येनोप॑धावति॒ त ए॒वास्मै॑ स॒जा॒तान्प्रय॑च्छन्ति ग्रा॒म्ये॒व
भ॑वति प्रि॒यव॑ती या॒ज्यानु॒वाक्ये॑ (61)

भ॒व॒तः प्रि॒यमे॒वैन॑ १ समा॒नाना॑ङ्करोति द्वि॒पदा॑ पुरो॒नुवा॒क्या
भ॒व॒ति द्वि॒पदं॑ ए॒वावरु॑न्धे चतु॑ष्पदा या॒ज्या चतु॑ष्पद
ए॒व प॒शून॑वरुन्धे दे॒वासुरा॑स्सय्य॑न्ता आस॒न्ते दे॒वा मि॒थो
विप्रि॑या आस॒न्ते ३ ऽन्यो॑न्यस्मै ज्यै॒ष्ठ्याया॑तिष्ठ॒मानाश्चतु॑र्धा
व्य॑क्रामन्न॒ग्निर्वसु॑भि॒स्सोमो॑ रु॒द्रैरिन्द्रो॑ म॒रुद्वि॒र्वरु॑ण आ॒दित्यै॑स्स
इन्द्रः॑ प्र॒जाप॑तिमु॒पाधा॑वत्तम् (62)

ए॒तया॑ सं॒ज्ञान्या॑ ऽयाज॒यद॒ग्रये॑ वसु॑मते पुरो॒डाश॑म॒ष्टाक॑पाल॒न्नि
रु॒द्रव॑ते च॒रुमिन्द्रा॑य म॒रुत्व॑ते पुरो॒डाश॑मेका॒दश॑कपाल॒वँरु॑णाया ऽ
च॒रुन्त॑तो वा इन्द्र॑न्दे॒वा ज्यै॒ष्ठ्याया॑भि॒ सम॑जानत
यस्स॑मा॒नैर्मि॒थो विप्रि॑यः स्यात्तमे॒तया॑ सं॒ज्ञान्या॑ याज॒येद॒ग्रये॑
वसु॑मते पुरो॒डाश॑म॒ष्टाक॑पाल॒न्निर्व॑पे॒त्सोमा॑य रु॒द्रव॑ते
च॒रुमिन्द्रा॑य म॒रुत्व॑ते पुरो॒डाश॑मेका॒दश॑कपाल॒वँरु॑णाया ऽऽदि॒त्यव॑
च॒रुमिन्द्र॑मे॒वैन॑ भू॒तज्यै॒ष्ठ्याय॑ समा॒ना अ॒भिस॑ज्जानते वसि॑ष्ठः
समा॒नाना॑ भवति॥ (63)

दधानो जि॒नोषि॑ दे॒भुः प्र ह॒व्यं ब॒भूथ॒ मा याभि॑श्चत्वारि॒ः शच्च॑ ॥

प्रजापतिस्तास्सृष्टा अग्नये पथिकृतेऽग्नये कामायाग्नयेऽन्नवते वैश्वानरमादित्यश्चरुमेन्द्रश्चरुमिन्द्रायान्वृजव आप्रावैष्णवमसौ

सोमार्गौद्रमेन्द्रमेकादशकपालः हिरण्यगर्भो द्वादशः ॥ (12) प्रजापतिरग्नये कामायाभि सम्भवतो यो विद्विषाणयोरिन्द्रो

सन्नह्येदाग्रावैष्णवमुपरिष्टाद्यासिं दाश्वाः समेकसप्ततिः ॥ (71) प्रजापतिः प्रेदुं हरिवश्श्रुतस्यं ॥ द्वितीयप्रश्नः समाप्तः ॥ हरिः

ओम् ॥ श्रीकृष्णार्पणमस्तु ॥

हि॒र॒ण्य॒ग॒र्भ॒ आपो॑ ह॒ यत्प्रजा॑पते। स वे॒द पु॒त्रः पि॒तर॒ः स
मा॒तर॒ः स सू॒नुर्भु॑व॒त्स भु॑व॒त्पुन॑र्मघः। स द्यामौ॒र्णो॑द॒न्तरि॑क्ष॒ः
स सुव॒स्स वि॒श्वा भुवो॑ अभव॒त्स आऽभ॑वत्। उदु॒त्यश्चि॒त्रम्।
सप्र॑त्न॒वन्नवी॑य॒साऽग्ने॑ द्यु॒म्नेन॑ स॒य्यंता॑। बृ॒हत्त॑तन्थ भा॒नुना॑।
नि॒काव्या॑ वे॒धस॒श्शश्व॑तस्कर॒हस्ते॑ दधानः (64)

न॒र्या पु॒रूणि॑। अ॒ग्निर्भु॑व॒द्रयि॑पती॒ रयी॑णाः स॒त्रा च॑क्रा॒णो
अ॒मृता॑नि॒ वि॒श्वा। हि॒र॒ण्यपा॑णिमू॒तये॑ सवि॒तार॒मुप॑ ह्वये। स
चेत्ता॑ दे॒वता॑ प॒दम्। वा॒मम॒द्य स॑वि॒तर्वा॒ममु॒ श्वो दि॒वेदि॑वे
वा॒मम॒स्मभ्य॑ सा॒वीः। वा॒मस्य॑ हि ख॒ष्यस्य॑ दे॒व भूरे॑र॒या
धि॒या वा॑म॒भाज॑स्स्याम। बडि॒त्था पर्व॑तानाङ्घ्रि॒द्रं बि॑भर्षि
पृथि॒वि। प्र या भूमि॑ प्रवत्वति म॒हा जि॒नोषि॑ (65)

म॒हिनि॑। स्तोमा॑सस्त्वा विचारिणि॒ प्रति॑ष्टोभन्त्य॒क्तुभिः॑। प्र

या वाज॒न्न हे॑ष॒न्तं पे॒रुम॑स्य॒स्यर्जु॑नि। ऋ॒दूद॑रेण॒ सख्या॑ स॒चेय॑
 यो मा॒ न रि॒ष्येद्व॑र्यश्च पी॒तः। अ॒यय्यँ॑स्सोमो॒ न्यधा॑य्य॒स्मे
 तस्मा॒ इन्द्रं॑ प्र॒तिर॑मे॒म्यच्छ॑। आपा॑न्तमन्युस्तृ॒पल॑प्रभर्मा
 धुनि॒शिमी॑वा॒ञ्छरु॑मा॒ ऋजी॑षी। सोमो॒ विश्वा॑न्यत॒सा
 वना॑नि॒ नार्वा॑गिन्द्रं॑ प्र॒तिमा॑नानि दे॒भुः। प्र (66)

सु॒वा॒न॒स्सोमं॑ ऋ॒त॒युश्चि॑के॒तेन्द्रा॑य॒ ब्रह्म॑ ज॒मद॑ग्निर॒र्चन्। वृषा॑
 य॒न्तासि॑ श॒व॑सस्तु॒रस्या॑न्त॒र्यच्छ॑ गृण॒ते ध॒र्त्रं दृ॑ह। स॒बाध॑स्ते
 मद॑श्च शु॒ष्मय॑श्च॒ ब्रह्म॑ नरो॑ ब्रह्म॒कृत॑स्सप॒र्यन्। अ॒र्को वा॒ यत्तु॑रते
 सोम॑चक्षा॒स्तत्रे॑दिन्द्रो॑ दधते पृ॒थ्सु॑ तु॒र्याम्। वष॑द्वे वि॒ष्णवा॑स
 आ कृ॑णोमि॒ तन्मे॑ जुषस्व शि॒पिवि॑ष्ट ह॒व्यम्। (67)

व॒र्धन्तु॑ त्वा सु॒ष्टु॒तयो॑ गि॒रो मे॑ यू॒यं पा॑त स्व॒स्तिभि॑स्सदा॑
 नः। प्र तत्ते॑ अ॒द्य शि॑पिविष्ट॒ नामा॑र्य॒शश॑सामि व॒युना॑नि
 वि॒द्वान्। तं त्वा॑ गृणामि त॒वस॑म॒तवी॑या॒न्क्षय॑न्तम॒स्य रज॑सः
 परा॒के। कि॒मित्ते॑ वि॒ष्णो परि॑चक्ष्य॑ भू॒त्प्रय॑द्व॒वक्षे॑ शि॒पिवि॑ष्टो
 अ॑स्मि। मा व॒र्षो अ॒स्मदप॑गूह ए॒तद्य॑द॒न्यरूप॑स्समि॒थे ब॒भूथ॑।
 (68)

अग्ने दा दाशुषे रयिं वीरवन्तं परीणसम्। शिशीहि
नस्सूनुमतः। दा नो अग्ने शतिनो दास्संहस्त्रिणो दुरो
न वाजः३ श्रुत्या अपावृधि। प्राची द्यावापृथिवी ब्रह्मणा
कृधि सुवर्ण शुक्रमुषसो विदिद्युतुः। अग्निर्दा द्रविणं
वीरपेशा अग्निर्ऋषिं यस्सहस्रा सनोति। अग्निर्दिवि
हव्यमातंतानाग्नेर्धामानि विभृता पुरुत्रा। मा (69)

नो मर्द्धीरा तू भर। घृतं न पूतं तनूररेपाश्शुचि हिरण्यम्।
तत्ते रुक्मो न रोचत स्वधावः। उभे सुश्चन्द्र सर्पिषो दर्वी
श्रीणीष आसनि। उतो न उत्पुंपूर्या उक्थेषु शवसस्पत इषः३
स्तोतृभ्य आ भर। वायो शतः५ हरीणां युवस्व पोष्याणाम्।
उत वा ते सहस्त्रिणो रथ आ यातु पाजंसा। प्र याभिः (70)

यासि दाश्वाः५ समच्छा नियुद्धिर्वायविष्टये दुरोणे।
नि नो रयिः५ सुभोजंसं युवेह नि वीरवद्भव्यमश्वियश्च
राधः। रेवतीर्नस्सधमाद् इन्द्रे सन्तु तुविवाजाः। क्षुमन्तो
याभिर्मदेम। रेवाः५ इद्रेवतः स्तोता स्यात्त्वावतो मघोनः।
प्रेदु हरिवश्श्रुतस्य॥ (71)

यन्नवंमग्निवै प्रजापतिर्वरुणाय या वामिन्द्रावरुणा सप्रब्रवच्चतुर्दश॥14॥ आदित्येभ्यस्त्वष्ट्रस्मै दानंकामा एवावरुण्येऽग्निवै
सप्रब्रवथ्यदंश्चाशत्॥56॥ आदित्येभ्यस्सुवर्पो जिगाय॥ हरिः ओम्॥ श्रीकृष्णार्पणमस्तु॥

॥ हरिः ओम्॥॥ तैत्तिरीयसंहिता द्वितीयकाण्डे तृतीयः प्रश्नः॥